

galia Taiapiera per dar a le zurme, se ordinarà se fazi, et col nome de Dio vadi in Barbaria a perseguir corsari, et a Zerbi brusi etc., et a Tunis parli al re, qual è nemico dil Zieco de Zerbi et vadi per tutto a trovar ditti corsari, con molte clausole, poi ritorni a Corfù. Et la parte prima de elezer el proveditor non se intendi presa, se la non sarà posta et presa nel nostro Mazor Conseio.

Et andò in renga contra questa opinion sier Alvise Mocenigo el cavalier, savio dil Conseio, disse non è tempo de far questa armada adesso, ma questo marzo, vol far venir a caxa el proveditor Canal, far armada de 25 galie a l'efeto sopradito; biasemò sier Francesco Dandolo capitano dil Golfo, vol meter lui et li altri siano comessi, et fato contra de loro processi. Cargò l'Emo molto, laudò la parte soa et de do colega vechi, et biasemò far capitano al Golfo, etc. Et se dolse molto che la barza sia stà mandà via con comission per Colegio, perchè el voleva batalar Zerbi.

Et andò in renga sier Francesco Donado sopradito, parlò contra la parte de l'Emo, non è tempo, et la impotentia de exeguir in far armada si in le zurme come in li biscoti, et li danari è il manco ancora che bisognerà trovarli. Parlò contra l'opinion del Mozenigo et di altri savi dil Conseio de far proveditor in armada, hessendo insieme non se faierano ben. Laudò l'opinion sua et de altri, et farano quel instesso con 10 galie in Golfo senza mutar nome.

Et poi parlò sier Gasparo Malipiero savio dil Conseio per la soa opinion, l'ora era tarda, ha poca voxe, non fo aldito.

Andò in renga sier Zuan Batista Bernardo savio ai Ordeni, che più non ha parlato, et parlò per la sua opinion.

Da poi parlò sier Polo Valaresso è proveditor al sal, dicendo è stà patron de nave, et parlò contra sier Lunardo Emo.

Andò le parte con lume de torze, non sincere, de no, 14 de l'Emo, 67 de sier sier Domenego Trivixan et altri nominadi, 98 de sier Francesco Donado et altri nominadi. Et questa fu presa.

Et volendo sier Alvise Mozenigo meter la soa parte de seriver in Sicilia al capitano de le galie de Barbaria de batalar Zerbi, l'ora era tarda, et li Savi la voleva consultar, et fo licentià el Pregadi, hore 2 1/2 de note.

In questo Pregadi, fo chiamà per el Serenissimo, sier Vincenzo Zorzi, sier Polo Loredan, sier Almorò

Morexini proveditori de Comun et comessoli vadino a veder se el pozo de aqua dolze trovato per quel maistro a Santa Agnese è la verità o non, et vengino poi in Colegio a riferir; et cussi i anderano.

A dì 6 Domenega. Fo letere di Andrea Rosso secretario, di Trento, di 2. Il sumario sarà qui avanti.

Fo parlato zerea la batalation de Zerbi et la parte vol meter sier Alvise Mocenigo, et leto la comission data al patron de la barza, et terminato far hozi, poi Gran Conseio, Pregadi per la terra, per questa materia.

Vene sier Vincenzo Capelo fo capitano zeneral da mar, per el qual fo mandato a chiamar venisse; et fo parlato zerea la fortification de Zara, et alcuni voriano mandar li a dar ordine a la dita fortification el duca de Urbin capitano zeneral da mar, altri voleno indusiar a tempo novo.

Veneno molti frati et altri nobeli, ai qual per el Serenissimo fo dimandato mandasseno formenti in questa cità, parte questo mexe, parte luio, et chi offerse più et chi manco. Et sier Marco Antonio Venier da Sanguanè signor, offerse far venir stara 600, et fo scritto li soi consorti *etiam* mandino li formenti soi de qui.

Da poi disnar, fo Gran Conseio, non vene el Serenissimo, vicedoxe sier Zuan Alvise Duodo, et vene *letere di Roma, di l' orator nostro, di . . . di Franza di 20 Zugno; et di Anglia di . . . ditto*

Fu posto, per li Consieri, concieder licentia a sier Michiel Querini, conte de Puola, de poter venir in questa cità per zorni 15 per . . . , lassando in loco suo sier . . . , con la condition de la parte dil salario. Fu presa. Ave:

Fu fato capitano a Padoa sier Marco Barbarigo el cao di X qu. sier Andrea, fo dil Serenissimo, el qual vene triplo, et rimase de assà balote, da sier Marco Antonio Venier dottor, è orator al Summo Pontefice, qu. sier Cristofolo.

Fo fato capitano al Golfo sier Vincenzo Zantani fo capitano a Zara. El scurtinio et li tolti a Conseio saranno qui avanti. Et fu falo altre 8 voxe.

*Scurtinio di capitano al Golfo iusta la parte. 125**

pregerie

Sier Lunardo Arimondo fo
patron di nave, qu. sier
Alvise.

40.121 — 9.151